



**Vun frieher un heit for Bensmer Leit
Bergsträßer Anzeigebblatt 12.11.1949**



Geresse



„Däs issen geressene Kunne! Sou soae als die Leit, wannse aan maane dunn, där wuu soi Mitmensch zuu gäärn hinnitus Licht fiehrn meeht. Manchmool gelingts sou aam aa. Es kannem awweraa bassiern, daß sauen Suberkluuge doodebei sälbschd noifellt. Doo is vorem Joahr sou äbbes vorkumme, däs wuu ich Eich jetz mool vezähle will. Baßt mool uff!

De Hoiner woar inne worrn, daß sein Noachber, de Schambes, sich gäärn Hinkel ouschaffe deet. Er is niwwer gange un groad dezuukumme, wie där de letschde, Maschedroah an sein neie Hinkelschdall ougenäggelt hot. „Däs gitt awwer en grouße Schdall“ horrer zum Schambes gesoat „Ei wieveel Hinkel widde dann doo noiduu?“ denk, zwelf Schdick lange mool fors ärschde Mool“, hot de Schambes gesoat „wann ich nor wißt, vun weller Farm mer die schäinschde Oidoagskikke beziehe kann“. „Doo driwwer brauchschde der goar net lang de Kobb ze vebräche, Schambes“, hot de Hoiner dreihärzig gemaant, „ich will mer nemlich aa e Dutzend hohle. Doo gäihts in aam hie. Bis moje frieh hoschde doi zwelf!“ Gleidruuff horrer sich uff soi Road gehockt un hot sich vierunzwanzig Hinkelchin gehallt. Wieerse dehaam gehadde hat, horrer gleidruuff zu soim Peddern geschickt, där wuu vun wäje soim grouße Hinkelsveschdand weit un braat bekannt woar. Er horrem ausrichte losse, er sollt doch gleidruuff mool niwwer kumme. Er, de Hoiner wollt sich mool iwwer e wichdigi Augeläjenheit Roats beiem hohle. „Du, Peddern!“, hot de Hoiner gesoat, wie där zor Schduwwedeer roikumme is „Du, Peddern! Waaschde woas? Sei sou gut un sordier mer mool die vierunzwanzig junge Hinkelchin. Du veschdaisschd dich doo besser druff wie ich. Awwer sauwerche, veschdanne! Die Hinkel duschde in die Schoachdel doo un die Hahne in die anner Schoachdel, veschdanne!“ Un de Peddern hot sein ganze Hinkelsveschdand zammege numme un hot die Schääfloin vunde Beck, däs haaßt in deem Fall die Hinkelchin vunde Hehnchin sauwerche geschiede. Wie er färdig woar, hot de Hoiner e Hääwel Woi vum Keller ruffgehollt un die zwaa häwwe sichs gut schmäcke losse. — De annern Doa hot de Hoiner die Schoachdel, wuu sein Peddern die Hehnchin noigeduu gehadde hot genumme und hotse soim

Noachber, dem Schambes gebroacht. „Schambes“, horrer gesoat „ich häbbder die schäinschde rausgesucht. Es woarn aa e poar aadäärmige unner deene vierunzwanzig, wuu ich gäschedern gehollt häbb. Die häwwich awwer for mich behoalte. Waaschde, bei deer deense doch ball Verreckelches schbeele, weil de noch en Aufenger bischd. Ich veschdäih mich besser uff den Kroom. Ich bringse allminanner houch, veschdanne.“ Un de Schambes . hot sich iwwer die mundere Dierchin gefraat un hot dem Hoiner net genuk for den Gefalle danke kenne, den wuuerem geduu hot.

Es is awwer ganz annerschd kumme, als wie sichs de Hoiner gedenkt hot. Noache poar Woche häwwe nemlich soi Hinkelchin zusähens gräißere Kemm kriecht, als wie däs sunschd als de Fall woar. Doo hot de Hoiner wirrer zum Peddern niwwer geschickt. Wie där kumme is, hot de Hoiner gesoat: „Betroacht der mool däs Veehzeik doo, ich maan als, däs mißde laurer Giggel soi.“ De Peddern hot aan Blick druffgeworfe un hot dann gesoat: „Freilich sinn däs Giggelchin, du Schaure, ich häbb der se doch all raussordieren misse! Wuu hoschde dann

die Hinkelchin hiegeduu?“ Doo is de Hoiner kraadeblaasch worre. „Die Hinkelchin? die Hinkelchin? Ei de Schloa sollse riehn! Die häwwich joo roin dem Schambes driwwer, dem schlächde Hund vekaaft!“ —

Es horrem kaa Ruh gelosse, er is niwwer zum Schambes geschdärzt. Där horrem schuun vun weirem zuugewunke un horrem dann kräfdig die Hand geschillt. „Hoiner!“. horrer gesoat „Dich kommer schikke! Es neegschde Joahr konnschde mer wirrer soun Schlaag Hinkel besoije. Denk nor mool ou! Unner deene zwelf Schdick, die wuude mer gebroacht hoschd, is nor aan Hoache drunner. Es annere sinn laurer Hinkel. Besser hetts waiklich net klabbe kenne! — — „Ach sou gäihts aam“, hot de Hoiner uffem Haamwää gedenkt „wanmer soi Gedanke net beisamme hot un zwaa Schoachdele minanner vewächsele dutt.“ —

Gäje den Hoiner doo woar de Schorsch aus de Umgäjend vun Bensem es roinschde Schenie. Där is net aamool uff äbbes noigefalle awwer um sou mäih annern Leit uff ehn. Weit im Umkreis rumm woorrer als Lumbesammler bekannt. Wies sou in friehere Zeire ieblich woar horrer die Lumbe, die wuer kriecht hot, net mit baa Gäld bezoahlt, sonnern alle meegliche Kleanigkeite dejäje gäwwe. Als geressener Kunne horrer bei soine Hannelcher die Leit doich Froage un Vezählchersschbeele sou doichenanner gemoacht, dass goar net zum iwwerlegge kumme sinn. Sou horrerse um sou leichter oisaafe kenne. — Aneme schäine Doa isser mool zuere oalde Bauersfraa kumme. Die hot schunn en ganze Sack voll Lumbe foren zeräacht gemoacht gehadde. De Schorsch hot die Lumbe uff soin Wagge geschmesse un als debei gebabbelt un aa Schdikkelche noach ein annern vezählt. Wie endlich die Fraa aa mool ze Wort kumme is, hotse ganz schichdern gefreegt: „Du, Schorsch! Woas gitts dann for die Lumbe?“ „Gäbbd mer drei Aijer defoor.!' hot de Schorsch gesoat un hot wirrer e paar Neiigkeite gewißt. Die oald Fraa woar doich soi Vezählerei sou in Gedanke, dass dem Schorsch aa wäiklich die drei Aijer gäwwe hot. Kaum woar de Schorsch fort, isserer ärschd die Schdalladärn uffgange. Se is dem Schorsch noochgeschbrunge un horrem schunn vun weirem zuugeruufe: „Ei Schorsch, hoisch mool! Ich häbbder joo zu moine Lumbe noch drei Aijer gäwwe! Du hoschd mich mit doim schlächde Gebabbel ganz besoffe gemoacht! Rickse nor wirrer raus, du Schwinnler!“ „Woas? Schwinnler?“, hot doo de Schorsch ganz beleidigt geduu. „Woas? die Aijer rausricke? Ei ich glaab, Dich hots! Maanschde dann velleicht ich deet doi Lumbe for nix holle?“ —

Um die Faßnoachdszeit nimm woar de Schorsch net ze hoalte, Im „Blädche horrer mool bekannt gäwwe:

„Am Faßnoachdsdinschdoe kommer mojens zwische oacht un neun noch venindig mit mer babble. Die iwwrig Zeit bis Aschermittwoch bin ich närrisch'.

Am Faßnoachdsdinschdoe, sou um Uhres drei is dann de Schorsch mit soine Drawande doich die Gasse gezooge. Er hot weitkarrierte House ougehadd, en lange schwazze Senkel unen Mordvadder-merder mirrere ritzeroure Krawadd. Uffem Kobb horrer en houhe schdrubbigge Zilinnerhut un in de Hend e groußi „Morridaat“ getroae, die sou grouß wie e Schduwwedeer woar un anerer lange Schdang gehanke hot. Vun Zeit ze Zeit horrer die Morddaad hiegeschdellet un mirreme Schdägge uff die Bilder gedeit. Es woarn doo in grälle Farwe alle Schanddaade uffgemoolt, die wuu en Raiwer orrer en Merder aus de doomoolige Zeit begange gehadde hot. Schäi woarn die Bilder joo net, awwer doodefoor um sou gruuseliger. Es Blut is nor sou inde Umgäjend rumgeschbritzt.

In däre Zeit, wuu de Schorsch soi Erkleerunge zu dem Uffgemoolde gäwwe hot, häwwe soi Drawande Zeddel vekaaft, als for zäie Penning es Schdick. „Uff deene Zeddel doo“, hot de Schorsch de Leit zuugeruufe „kennter noch mool ganz genaue die Beschreibung mit alle Aanzelnheite lääse vun dem färdlicherliche Mord, där wuu hier uffgemoolt is!“ Faschd jeerer hot sich sauen Zeddel kaaft.

Ball häwwe awwer die Kaifer den Schwinnel. endeckt. Die Zeddel woarn neemlich goar nix annersd als wie Aabfallbabiern, wiese de Schorsch beim Lumbesammle hot mitgäih haaße. Die meischde vun deene Noigefallene häwwe gelacht und sinn weirergange. Hot doo awwer aaner iwwer den Schwinnel maule wolle, dann is de Schorsch fuchsdeiwelswill worrn. Er horrem e Maul ougehenkt, dasses nor sou gerabbelt hot. „Woas wollter dann for eier lumbige zäie Penning noch mäih?“ horrer gekresche „wollter velleicht doodefoor en ganze Krimenaalromaan? Seid frouh, daß der net mäinder devoor gäwwe häbbd!“
Ja, ja. Mit dem Schorsch, där därf groad gewäase soi wieer wollt, is aa e Schdick oaldi Zeit unnergange.